

息焰千靈翊衛萬聖扶持宗祖超凌垂裕益
昌於世澤兒孫莫衍流芳永振於家聲五福
俱全百祥攸萃臣等承顏八陛綴武千官勲
行未充奏對冒揚於咫尺威儀莫備憲章恐
瀆於毫釐重祈曠蕩之仁允賴汪洋之惠上

願河清海晏地闡天開皇圖遂三五之基
聖壽等億千之運金標紀瑞玉燭宣和偃烽
華於九圍混車書於十極三塗滯識脫罪網
而徑上福堂玉道合靈離業機而頓升樂界
蒙如丹禱悉荷玄麻臣與醮官望闕謝恩酒
陳終獻

諷經 宣都疏
重稱法位

具位臣謹重誠上啓
三清上聖十極高真三界萬靈醮遊真宰臣
聞企虎關九重之邃莫與階升瞻獅座五大
之懸遙承陸奏饗帝昭宣於禴祭額天水被
於宸恩雖戴德之情深願修辭之語淺以今
千枝光冷百和煙殘銀潢影射於青冥玉磬
聲沉於碧漢紅塵雜運莫挽霓旌紫霧籠葱

諒旋綠輦朱鳳啓迴天之駕玄龍翼返景之
輿萬帝隱真諸天復位旁及十華之真聖俯
羅六合之靈仙各攝威儀悉還主宰臣等神
馳法從心想靈光惟攀戀以無由徒瞻依之
深切臣等與齋官衆等無任瞻望雲霄激切
攀戀歸依之至再拜奉送

舉存神燒香
高功復爐

香官使者左右龍虎君侍香諸靈官當令臣
向來設醮之所自然生金液丹碧芝英百靈
衆真交會在此香火爐前當願臣學道得道
求仙待仙齋官蒙福顯沾恩十方仙童玉
女接待蘭煙臣向來所啓速達徑御
至真無極大道

三清上聖
昊天玉皇上帝御前

靈寶領教濟度金書卷之一百八十三

靈寶領教濟度金書卷之一百八十四

洞微高士開光教善真人書令其校
靈寶通玄私教水南先生林靈真編
科儀五成品自然齊用
自然一時行道儀

燒香頌
名禮師存念如法
宣衛靈呪

五星列照煥明五方水星却災木德致昌
榮感消禍太白辟兵鎮星四攝家國利牙
名刊玉簡字錄帝房乘馳散景飛騰太空
出入冥無遊宴十方五雲浮蓋招神攝風
役使萬靈上衛仙翁與道合真

鳴法鼓二十四通
無上三天玄元始三炁太上道君太上老君
召出臣身中三五功曹左右官使者左右捧
香驛龍騎吏侍香金童傳言散花玉女玉帝
直符直日香官合三十六人出出者嚴裝顯
服冠帶垂纓關啓玄壇土地方域神真臣今
陞壇行道謹奏為入意其諸忱悃具載誠瞻

陞壇行道謹奏為入意其諸忱悃具載誠瞻

願得

太上十方至真道炁靈寶瑞光下降流入

身中令臣所啓速達徑御

太上無極大道

三清上聖

昊天玉皇上帝

請稱法位

具位奉行靈寶自然太齋小兆臣某與臨壇

官衆等謹同誠上啓

太上無極大道虛無自然元始天尊太上玉

晨大道君金闕後聖玄元老君高上玉皇上

帝十方靈寶天尊已得道大聖衆至真諸君

丈人三十二天帝君東華南極西靈北真上

宰上相上係上傳日月星宿北斗南辰周天

真宰十方無極无量品至真大神飛天神王

長生大聖无量度人君妙行真人天真皇人

玄中大法師靈寶玄一經籍度師侍經五帝

玉童玉女歲德尊神土地主執三界應感一

切真靈巨闕一炁氤氳運虛無而立極萬其

森列數妙有以張機有玄元統御之希微煥

靈寶恢彰之微妙帝江初鑿受中昭煥於神

光聖海同遊臨下洞明於梵炁玉宇浮沉而

保制劫運金書隱顯而化育人民凡屬範圍

悉承陶治臣等慶基宿植昌運欣逢金石微

盟願憲天而領教丹書證善期極地以宣符

凡有版校理宜關奏

宣詞

按如詞言備憐懇歛齋主其齋心慕道潔已

瞻玄雖天去地隔八萬四千視聽常昭於帝

鑒顧日繫月有三百六十權衡每握於神威

驚心世網之繁轉眼塵機之累易乘陽德懼

冒陰刑期吉慶以雲縵福新視履庶災虞而

冰釋善衍敦願匪上和於紫宸曷下符於丹

悃爰醮藥笈恭啓芝壇雲鏞鳴縹緲之音風

簾激琳琅之韻紫煙上下飛羽葆以流金碧

霽徘徊列霓旌而曳玉雲路前駘於清蹕霄

衛後擁於瓊輪洞煥虛玄傾臨空碧靈光萬

道端龍御以中浮梵炁四周會鸞和而旁拱

俯鑒傾葵之禱惠垂垂非之仁慶浹人天澤

孚中國以合陞壇行道請法衆等運茲初稔

上香願此香煙騰空供養

十方無上道寶天尊臣等皈身皈神皈命首

體投地仰依

太上三尊願以是功德上祝

當今皇帝陛下伏願三皇並軌五帝同符仁

心敷寶鏡之區悉為赤縣德意極幽交之域

盡入皇圖福星耀景於宵輝瑞露凝甘於夜

元雲照嶺隴熙熙擊壤以謳歌月滿牀陰蕩

蕩收烽於鼓舞鞠園扉之青草息芳野之綠

林庶政惟和百工允勳今故燒香自皈依

道尊大聖衆至真之德得道之後保天長存

和與道合真

以今陞壇行道請法衆等運茲二稔上香

願此香雲騰空供養

十方無上經寶天尊臣等皈身皈神皈命首

體投地仰依

太上三尊願以是功德皈流齋主家德曾萬

祖歷劫種親伏願宛輪水泮業網風醜精神

超黑鬱之區永辭鬼域步武證丹陵之境徑

上仙階流祥永息於考秩積慶先除於注訟

巨等三師四文靈源湛寂餐和而玄谷雲凝
覺海澄涵毓粹而丹淵月皎入大乘之惠徑
登小有之靈臺既往仙飛見存帝蔭今故燒
香自皈依

經尊大聖眾至真之德得道之後昇入無形
和與道合真

以今陞壇行道請法眾等運茲三捨上香
願此香雲騰空供養

十方無上師寶天尊等皈身皈神皈命首
體投地仰依

太上三尊願以是功德歸流齋主某伏願光
風耀景霽月流華廓身心口以水清一塵不
滓葆精炁神而雲擁萬安俱消倉箱饒素封
之聲圖史煥清流之譽松筠悅茂開壽域以
期願蘭桂敷榮耀福庭於純嘏惠日流輝而
遠照慈煙凝景以遙臨七葉長春五華不夜
今故燒香自皈依
師尊大聖眾至真之德得道之後昇入無形
和與道合真

禮方 懺方 三啓

三禮

重稱法位

具位奉行靈寶自然大齋小兆日某與臨壇
官眾等謹同誠上啓

太上無極大道虛元自然元始天尊太上玉

晨大道君金闕後聖玄元老君高上玉皇上

帝十方靈寶天尊已得道大聖眾至真諸君

丈人三十二天帝君諸天丞相宰輔眾真瑤

壇設象列位高真三界應感一切威靈巨闡

元始御清微之運三洞流光虛皇開赤明之

圖九清布化煥鳳騰鸞圖而演妙昭龍章虬

策以凝玄上煥雲層制天政於碧落下通風

澤御地禁於黃埃況受中得一以分靈可語

上並三而作聖方寸民欲既露禱於螭吻咫

尺天威必日宣於御陞今齋主一心激切五

體勤渠舍身為萬業之都多生逐妄而心作

眾寬之府累劫迷真倚日成而不思空色循

環恃吉在而罔悟是非顛倒天常既隕人紀

斯卑圖蝸角之虛名爭蛇頭之微利六賊遊

戲豈知策馬之玄五鬼揶揄莫悟牧牛之妙

元臘不明於懺謝節會罔識於朝修司非司
危有愆尤之可紀司命司錄无功行之堪書

致招厄難以來鍾莫過禎祥而革止庸依玉
格式演金章極遷善之丹忱馨知非之素懼

轉經行道過發露於十華燒香散花思可祈

於三寶伏願紫宸錫慶皇極流祥溫詔風行

敷玄帶而移名青錄德音雷動勒丹局而刊

字黑編祥光融福地之春瑞炁嵩壺天之旦

英生度往克鳳翼於九霄秀發塔蘭遂鵬程

於萬里長幼咸寧而濟濟公私泰定以悠悠

九祖七玄受紀南陵之紫葉五親六族登名

東極之蒼圖蒙鑒微忱允昭大造上願神光

煥映道系羅敷五緯光華三辰澄晏青鸞紫

鳳開先有道之長天馬神龜聿識無為之治

動植均陶於舜日華夷齊覆於堯天則上明

天尊布大慈之化下副巨等伸謝過之誠謹

啓以聞

發願

存神燒香

香官使者左右龍虎君侍香諸靈官當令巨

行道達齋之所自然生金液升碧芝英百靈
衆冥交會在此香大爐前令臣學道得道求
仙得仙齊官受福幽顯寤思十方仙童玉女
侍衛香煙傳臣向來所啓之誠達達徑御
太上無極大道

三清上聖
昊天玉皇上帝御前

出堂頌
謝師 向來

靈寶領教濟度金書卷之一百八十四

靈寶領教濟度金書卷之一百八十五 拱四

洞微高士開光救苦真人家金具授
靈寶道玄弘教水南先生林靈真編

科儀立成品 洪災集編
道場用

早朝行道儀

法事陞壇如式

各禮師存念如法

宣衛靈呪

青陽虛映耀日回靈神虎辟邪飛天統鈴
摧姦滅試萬魔束形九微迴道八威攝精

千真校錄三元蕩清左嘯中黃右策六丁
七轉八合周旋天經聖化魏魏三道順行

慶雲流布合景黃庭與道合真

鳴法鼓二十四通

發爐

無上三天玄元始三炁太上道君太上老君
召出臣身中三五功曹左右官使者左右侍
香驛龍騎吏侍香金童傳言散花玉女五帝
直符直日香官合三十六人出出者嚴裝顯
服冠帶垂纓開啓玄壇土地方域神真臣令

清且行道謹奉為人其諸誠悃具戴級騰
願得

太上十方正真道炁靈寶瑞光下降流入臣
身中令臣所啓速達徑御

至真無極大道

三清上聖

昊天玉皇上帝御前

請稱法位

具位奉行消災集福道場法事小兆臣共與
臨壇官衆等謹同誠上啓

太上無極大道虛無自然元始天尊太上玉
晨道君靈寶天尊太上老君道德天尊昊天

玉皇上帝勾陳天皇大帝北極紫微大帝承
天效法后土皇地祇神霄九宸上帝諸天

尊上帝丞相寧輔帝君上清列曜諸垣帝座
拱極高真消災散禍扶衰度厄益算真君本

命元辰建生星君祿元馬元壽元尊神三元
三官大帝啓教宗師侍宸仙衆雷霆獻鄭諸

司官將吏兵玉童玉女歲德尊神城隍祀典
主執靈祇三界應感一切真靈臣聞祖炁凝